



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1611. usque ad annum 1617

**Fleury, Claude**

**August. Vind. [u.a.], 1777**

**VD18 90118898**

§. 158. Joannis de Valero Carthusiani decessus.

---

[urn:nbn:de:hbz:466:1-67313](https://nbn-resolving.org/urn:nbn:de:hbz:466:1-67313)

qui Reipublicæ Venetæ a consiliis, nec-  
 non Ordinis S. Marci Eques, ac Pata-  
 vii Juris Ecclesiastici Professor septem  
 libros edidit *de juribus & privilegiis*, at-  
 que *additiones ad Bartholum, de possessione*  
*& proprietate, de probationum substitutio-*  
*nibus, legitimationibus, & capacitate Mo-*  
*nasterii præter decisiones Patavinas*, plu-  
 resque alios tractatus Juridicos. De-  
 cessit tandem octoginta sex annos natus  
 die quinta Decembris.

Sæc. XVII.  
 A. C. 1616.

§. CLVIII.

*Joannis de Valero Carthusiani de-*  
*cessus.*

Æquiori jure Scriptoribus Ecclesiasti-  
 cis, qui hoc anno obiere, accen-  
 ferri meretur Joannes de Valero natione  
 Hispanus, patria Valentinus ex civita-  
 te Segobriga. Hic Jurisprudentiæ lau-  
 rea decoratus ad ejusdem urbis Cano-  
 nicatum promovebatur: Sanctioris ve-  
 ro quietis studio animatus, aliquamdiu  
 eremiticam ducebat vitam, forte au-  
 tem ad Carthusiam *Scalæ Dei* profectus,  
 hoc institutum profitebatur, ubi indefi-  
 nenter orationi, aliisque piis exercita-  
 tionibus vacans, tandem in Carthusia  
 Majoricensi Insulæ Balearis die decima  
 quarta Decembris plenus dierum ac me-  
 ritorum appositus est ad Patres. Scrip-  
 fit



Sæc. XVII. fit multos Codices miscellaneos, ac  
A. C. 1616. præcipue typis mandavit *differentias in-*  
*ter utrumque forum judiciale, & conscien-*  
*tice, annotationes in Biblia, in jus Cano-*  
*nicum, in Tridentinum Concilium, & in*  
*sui Ordinis statuta, præter plurimos alios*  
*tractatus Asceticos.*

## §. CLIX.

*Petrus Ledesma ex Ord. F. F. Præ-*  
*dicatorum hoc anno defunctus.*

Gratam posteris memoriam ob preclara  
 profundæ eruditionis monumenta  
 reliquit R. P. Petrus de Ledesma Domi-  
 nicanus, qui Salmanticæ in Hispania  
 natus per quadraginta omnino annos in  
 præcipuis, publicisque Regni Gymna-  
 siis Sacras literas cum summo Audito-  
 rum applausu & proventu tradidit,  
 pariterque Salmanticæ S. Thomæ Cathe-  
 dram perpetuo a Dominicanis regen-  
 dam auctoritate Regia erexit, ubi etiam  
 nona Septembris die vivere desiit. Elu-  
 cubrabat tractatus de Sacramento Ma-  
 trimonii, de Divinæ gratiæ auxiliis,  
 de divina perfectione, & in primam & se-  
 cundam partem summæ D. Thomæ:  
 Hunc authorem quidam æmuli velut  
*Probabilissimi Patronum* traducunt, non  
 attendentes, quod quamvis docuerit  
 ante damnatam ab Innocentio XI. pro-  
 positio-